

AKASHVANI AIZAWL

REGIONAL NEWS UNIT

REGIONAL NEWS BULLETIN

(MIDDAY)

Thursday, June 12, 2025

Time - 2:30pm - 2:35pm



11 YEARS OF MODI GOVT PROFESSIONAL MEET

BJP Mizoram President Pu Vanlalhmuaka'n Prime Minister Narendra Modi-a kaihhruai sorkar chuan India chu ram kehdarh mai thei dinhmuna atangin kum 11 chhungin khawvela economy lian ber 4-naah a hlang kai tih a sawi.

He thu hi vawiina Aijal Club Conference Hall-a BJP, Mizoram Pradesh huaihawta 11 Years of Modi Govt Professional Meet hmannaah a sawi a, Pu Vanlalhmuaka chuan vawiina inkoh khawm chhan chu kum 11 chhunga BJP kaihhruai NDA sorkar Prime Minister Pu Narendra Modi kaihhruaina hnuai India mi Vaibelchhe 142 ten India in zalenna a chan atanga kum 100 a tlin hun kum 2047 ah India chu khawvela ram intodelh leh changkang ber a nih theihna atana hmasawna lungphum an phum tawh te an hriat theih nan, khua leh tuite hnena hrih hriatna beihpui thlakna peng pakhat a nih thu a sawi.

Pu Vanlalhmuaka chuan BJP kaihhruai Pu Modi sorkar chuan India chu reitheihna, eirukna leh rorela avanga a nih tur ang a nih phak loh avanga ram kehdarh mai thei dinhmuna a din mek laiin kum 11 chhungin khawvela economy lian ber 4-naah a hlang kai chho a ti a. Hetiang a nih theihna atan hian Pu Modia kaihhruain sorkar chuan kum 2020 atanga kum 2028 thleng mirethei vaibelchhe 81 hnenah thlatin buhfai kg 5 a thlawnin an sem dawn a. Chenna tur in nei lo mi Vaibelchhe 4.5 chenna tur In an sak sak a, Chhungkaw Vaibelchhe 15 aia tam hnenah tui thianghlim in tur hnianghnara an dawn theihna atan a thlawnin tui Connection an pe tawh a, PM Ujjwala Scheme kaltlangin a thlawnin chhungkaw Vaibelchhe 11 hnenah Gas Connection an pe tawh tih sawiin mirethei leh harsa zawk ten dam lohna an tawhin, cheng nuai 5 thleng a thlawna a an inenkawl theih nan PM Golden Card siam sakin mi Vaibelchhe 55 aia tamin PM Ayushman Bharat Card an chhawr mek in, nikum 2024 September ni 11 atang khan he PM Ayushman Bharat Card hi kum 70 chung lam tan hman theih vek tura siam a ni a ti bawk.

Byte: Pu Vanlalhmuaka

He hun hi BJP- Mizoram State Vice President, Pu Vanupa Zathang in a kaihruai a, kum 11 liamta chhunga Prime Minister Narendra Modi hmalakna hnuaia hnathawh leh hlawhtlinna channa video tarlan a ni a, sawm bik mi pathum, Pu P.C. Lawmkunga, IAS (retd), Pu Benjamin, IDAS, (retd) leh Pu Lalhriatrenga Chhangte, Advocate & Retired Central Govt Service ten thupui hrang hrang hmangin thu an sawi zawhah inkawmhona neih a ni.



MIZORAM BLOOD DONATION

Mizoram chu ram pum huapa a thlawna thisen pe tha zual zingah a tel mek a, Mizoram bikah Lunglei Civil Hospital chu nikum April thla atanga kumin March thla thlenga a thlawna thisen pek tam berna niin, a thlawna thisen pek zat hi zaa 99.87 a tling a ni.

Akashvani News zawhna chhangin, Association for Voluntary Blood Donation,(AVBD) Vice President Pu K Zothanpara chuan India ram pumah thisen pe tha ber state hriat theih ni chiah lo mah se, Mizoram chu a pe tha ber emaw a dawttu a nih a rin thu a sawi a. Nikum October ni 1 - National Voluntary Blood Donation Day khan Rajasthan khawpui Jaipur-a India Blood Donation NGO Conclave-ah Ministry of Health & Family Welfare leh National Blood Transfusion Council Mizoram chu India hmarchhak state zinga a thlawna thisen pe tam ber chawimawina a lo hlan tawh a ni.

Kumin chhunga Mizorama thisen pek tawh zat hriat theih ni rih lo mahse, MSACS Blood Safety Division data thar berah chuan nikum 2024 April thla atanga kumin March thla thleng khan Mizoram pumah thisen unit 34,752 pek a ni a, chung zinga unit 32,566 chu pek bik nei loa a thlawna pek, voluntary donation a ni a. A thlawna thisen pek zawng zawng hi zaah 93.71 a tling a. Lunglei Civil Hospital chu hemi chhunga thlawna thisen pek tam berna niin, a thlawna thisen pek zat chu zaa 99.87 a tling a. Christian Hospital, Serkawn in dawtin zaa 98.04, Synod Hospital, Durtlang ah zaa 97.71, Serchhip District Hospital ah zaa 97.67, Siaha District Hospital ah zaa 96.88, Champhai District Hospital ah zaa 95.11, Kolasib District Hospital ah zaa 93.85, Civil Hospital, Aizawl ah zaa 93.43, Mamit District Hospital ah zaa 92.31, Lawngtlai District Hospital ah zaa 75.27 te a ni.

Kumtina hman thin World Blood Donor Day chu June ni 14-ah hman thin ni mah se kuminah hian Inrinni, holiday-ah a tlak avangin Mizoramah chuan naktuk, June ni 13 khian AVBD leh MSACS huaihawtin Dawrpui Multipurpose Centre, Aizawlah hman a ni dawn a, Minister Pu B. Lalchhanzova chu khuallian a ni dawn a, kum danga an lo tih thin angin, thisen pe tha pawlte hnenah chawimawina hlan ani dawn a ni.



PROTEST AGAINST TEACHER TRANSFER

Lawngtlai District chhunga Government High School, Parva zirtirtu Pu V. Lalmangaihzuala chu Govt Modern High School Lungtian ah sawn anih avangin Parva Join Action Committee chuan lungawilohna lantirin an khuaa zirna in zawng zawng an khar.

Govt Modern High School Lungtian-a Mathematics zirtirtu Pu H.Lalhmingmawia, Govt Aizawl High School a sawn anih chungchangah Joint Co Ordination Committee Lungtian ten lungawilohna lantira Sorkar an nawr hnu ah Lawngtlai District chhunga Government High School, Parva zirtirtu Pu V. Lalmangaihzuala chu Govt Modern High School Lungtian ah sawn a ni a, hei hi hriatthiam har an tih thu Parva khawtlang hruiatute chuan thuchhuah siamin an tarlang a, Transfer order chu a rang thei ang ber sut turin an phut bakah Parva Join Action Committee hian vawiin khan zirtirtu transfer in an khua a chhuah san tur chu an dang a, hemi rual hian khuaa zirna in zawng zawng tiam chin awm lovin an khar nghal a ni.

Parva Join Action Committee chuan, Govt. Parva High School chu an khua leh a chhehvelin zirna in sang an neih chhun a nih avangin an hlut hle tih an sawi a. Hetihreal hian, an khaw High School chuan ngaihsak a hlawh tawk lova, kum tin zirtirtu nei kim lovin Academic Session an hman thuan ziah a, zirlaite pawhin harsatna an tawh phah thin tih an sawi a. Zirtirtu indaih lohna phuhruk sak tura tum engemawzat thuneitute an ngen hnuah Middle School atangin Chakma pahnih Attached a dah an ni a, Headmaster pawh Chawngte a awm a nih avangin School a kal ngai lova, a chungchang hi DEO hnenah thlen ni mah se, awmzia a awm lo tih sawiin, tuna an khaw High School-a regular teacher awm chhun Pu V. Lalmangaihzuala chu Lungtiana sawn a nih chuan Middle School atanga

Attached a dah Chakma pahnih chauh zirtirtu an neih dawn avangin Sorkar chu a rang thei ang ber Transfer Order sut turin an phut a ni.



11 YEARS OF MODI GOVT

Prime Minister Narendra Modi chuan kum 11 chhung a ramchhung mipui te tan a hnathawh Seva, Sushasan leh Garib Kalyan kaltlangin India chuan nasa takin hmasawнна a hmu a, Akashvani chuan heng hmasawнна hrang hrang te hi phochhuak in vawiin chuan hmeichhe dinhmun chawi kanna leh hmeichhia te hmanga ramen hma a sawнна leh inthlak danglamna tarlan ani dawn a ni.

SFX

Kum 11 chhung in India ram chuan hmeichhia te dinhmun siam that hna nasa tak a thawk in, hmeichhia te chu ram hmasawнна thlentun an lo ni ta a, hmeichhia ten an kut themthiamna hmangin sumdawнна te din in mahni kutkawih eizawнна te an din thei tawh a ni. Pradhan Mantri MUDRA Yojana hnuai a loan pekchhuah atangin zaa 68 vel chu hmeichhia te eizawнна atan a pek a ni a, heng hmang hian eizawнна hrang hrang an siam thei a ni, National Rural Liveihoods Mission hnuai ah Self Help Group din in mi nuai 91 chuang an in ziaak lut tawh a, heng atang hian hmeichhia ten sum tam tak an thawkchhuak thei tawh a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah thin a ni.

Zanin dar 6 leh a chanve-ah Chanchinthar puan leh a ni ang.

